

Zaposlenici **Sberbank** BH obradovali školarce SOS Dječijih sela

Izvor: Akta.ba, 8.9.2016 15:54:09



Zaposlenici **Sberbank** BH uljepšali su početak i ove školske godine stanovnicima SOS Dječijih sela u Sarajevu i Gračanici. SOS Dječija sela BiH su započela kampanju #KOJEPRVACIC, s ciljem da skrenu pažnju na važnost obrazovanja djece, ali i ljubavi te dugoročne podrške koja je potrebna svakom djetetu tokom procesa školovanja.

Zahvaljujući **Sberbank** BH sa novim ruksacima na leđima 45 mališana je krenulo u školu. Svaki ruksak opremljen je neophodnim školskim priborom prilagođenim uzrastu djece.

"**Sberbank** BH izuzetno cijeni humanitarne inicijative svojih zaposlenika. Novac i školski pribor koji su skupili zaposlenici banka je višestruko uvećala, te omogućila kupovinu ruksaka i školskog pribora", istakao je **Vedran Peršić**, vođa odjela Marketing i Komunikacije.

"Vrijednost dječijih osmjeha i zadovoljstva što su na početku godine dobili novi ruksak i sav potreban pribor zaista je nemjerljiva", dodao je

Peršić.

„SOS Dječija sela BiH na prvo mjesto stavljaju kvalitet brige o djeci, insistirajući na najboljem obrazovanju za svu djecu o kojoj brinemo – od vrtića do fakulteta.

Na tom dugotrajnom putu pripremanja djece za samostalnost i uspješan život, SOS Dječija sela BiH trebaju podršku prijatelja i partnera poput **Sberbank** BH. Istinski smo zahvalni zaposlenicima i menadžmentu **Sberbank** BH što su prepoznali značaj dugoročne brige koju pružamo djeci, te nam se po drugi put pridružili vrijednom donacijom na početku još jedne školske godine“, izjavio je Amir Omanović, nacionalni direktor SOS Dječijih sela BiH.

SOS Dječija sela BiH u periodu od 05. do 11. septembra realiziraju online kampanju #kojeprvacic, kojom se želi ukazati na važnost obrazovanja, osobito za djecu iz marginaliziranih grupa.

Dugoročnu brigu i podršku za 272 djece i mladih najbolje možete podržati kao Kumovi SOS Dječijih sela BiH, ali i ukoliko posjetite web stranicu www.sos-ds.ba i svojom donacijom pomognete da djeca imaju uspješno obrazovanje i siguran dom.

Posjetite oficijelne stranice SOS Dječijih sela BiH na društvenim mrežama <https://www.facebook.com/SOS.Djecija.sela.BiH> i napravite share #kojeprvacic ili na Vašem profilu postavite fotografiju iz prvog razreda i status koji govori o ljubavi i potpori koju ste imali.